



Na osnovu člana 68. stav (2) Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), a u skladu sa Standardima interne kontrole u javnom sektoru u Federaciji Bosne i Hercegovine ("Službene novine Federacije Bosne i Hercegovine", broj 75/16) i člana 36. Zakona o komunalnim djelatnostima ("Službene novine Kantona Sarajevo", broj 14/16, 43/16, 10/17 -ispr., 19/17, 20/18, 22/19) ministar saobraćaja Kantona Sarajevo d o n o s i

INSTRUKCIJU MINISTARSTVA SAOBRAĆAJA KANTONA SARAJEVO

za pokriće gubitka

I

Ovim Instrukcijom uređuje se metodologija i postupak odobravanja, kontrole i pravdanje utroška budžetskih sredstava koja su planirana u Budžetu Kantona za pokriće gubitaka iz poslovanja KJKP GRAS d.o.o. Sarajevo (u daljem tekstu: KJKP GRAS).

II

Sredstva za pokriće gubitaka iz poslovanja KJKP GRAS planiraju se u Budžetu Kantona Sarajevo za tekuću godinu.

Nakon usvajanja Budžeta, na prijedlog Ministarstva saobraćaja (u daljem tekstu: Ministarstvo), Vlada Kantona Sarajevo donosi Odluku o usvajanju Programa utroška sredstava s kriterijima raspodjele sredstava tekućih i kapitalnih transfera Ministarstva saobraćaja Kantona Sarajevo utvrđenih Budžetom Kantona Sarajevo za tekuću godinu.

III

Sredstva za pokriće gubitaka iz poslovanja doznachavaju se KJKP GRAS u iznosu odobrenom u Budžetu.

U slučaju donošenja Odluke o privremenom finansiranju Budžeta, sredstva za pokriće gubitaka iz poslovanja doznachavaju se mjesečno i to maksimalno do visine jedne dvanaestine sredstava koja su odobrena u Budžetu za prethodnu godinu.

Sredstva za pokriće gubitaka iz poslovanja se mogu odobriti i preraspodjelom sredstava u okviru Budžeta. Preraspodjela sredstava se vrši u skladu sa Zakonom o izvršavanju Budžeta Kantona Sarajevo.

IV

Sredstva za pokriće gubitaka iz poslovanja doznachavaju se u skladu sa tromjesečnim i mjesečnim operativnim planom izvršavanja Budžeta koji odobrava Ministarstvo finansija Kantona Sarajevo.

Zbog neusklađenosti priliva sredstava u Budžet prema tromjesečnim i mjesečnim planovima novčanih tokova, Ministarstvo finansija Kantona Sarajevo može izmijeniti dinamiku doznake sredstava za ove namjene.

V

KJKP GRAS je dužan sredstva za pokriće gubitaka iz poslovanja koristiti za namjenu plaćanja izvršnih pravosnažnih sudskih presuda u cilju deblokade računa preduzeća, obaveza i dugovanja preduzeća prema Upravi za indirektno oporezivanje Bosne i Hercegovine i Poreznoj upravi Federacije Bosne i Hercegovine.

U slučaju da preduzeće ima potrebu za izmirivanje drugih obaveza i dugovanja koje su prioritetne i opravdane u cilju poboljšanja poslovanja i smanjivanja gubitaka preduzeća dužno je dostaviti Plan trošenja sredstava sa detaljnim spiskom obaveza koje se namjeravaju izmiriti iz doznačenih sredstava.

Na osnovu dostavljenog mjesečnog Plana trošenja sredstava Ministarstvo može odobriti prebacivanje sredstava i za ove namjene ako je utvrđeno da je izmirivanje obaveza prioritetno i opravdano u cilju poboljšanja poslovanja i smanjivanja gubitaka preduzeća.

Ministarstvo može izmijeniti Plan trošenja sredstava ako smatra da obaveze ili dio obaveza koje se namjeravaju izmiriti nisu prioritetne i opravdane.

VI

KJKP GRAS je dužan u roku od 14 dana od dana uplate sredstava na transakcijski račun preduzeća dostaviti Ministarstvu Izvještaj o utrošku sredstava u skladu sa propisanom namjenom ili odobrenim Planom trošenja sredstava.

Sastavni dio izvještaja su dokazi o plaćanju obaveza u skladu sa namjenom ili odobrenim Planom trošenja sredstava.

U slučaju da KJKP GRAS u roku utvrđenom u stavu (1) ovog člana ne dostavi Ministarstvu Izvještaj o utrošku sredstava, Ministarstvo neće vršiti doznačavanje sredstava, sve dok izvještaj ne bude dostavljen.

VII

Ova Instrukcija stupa na snagu danom donošenja.

Broj: 04-11-4578/23
Sarajevo, 16.02.2023. godine

